

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

كاتل شوقا

اداء نبوية الملاك

من قصائد المحبة والتعظيم

يا اصحابي كاتل شوقا
وداير اقوم ازور من فوقا

ندخل من شماك طابه
وجبل الحب لقلبي أصابا
بالشوق والهيام من ذابا
ومرحب باليزور الكابا

ندخل بالحنان لي دورو
نطرب بالفريد ونزورو
محروس الملك في سورو
ونشبع بالقمر في نورو

فوق الواجهاة الدريره
نقول لسعادتو انت هديه
مشروح الصدور وبهيا
وبالجاه ربي يغفر ليا

شوف القبة زاهيه بروقا
وللشيخين وسيدي دروقا
مشتاق لي شموسا شروقا
ويسكن قلبي فيها يروقا

قصر وا يضوي بالاقمار
وزمزم تروي للسماار
بارد وفائق المعمار
وسبعين ألف من أنوار

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

نجلس للسمر نتتاجي
جوار القبة ظل التاجا
ننظر في الحجيج الماجا
والشوق للقلوب اهاجا

نجلس والبقيع في جوارنا
وندعو الرب يزيد انوارنا
في طه التزيد ادوارنا
وزوار الحبيب زوارنا

في الساحات نشم لشذاهو
والعشاق يجنوا حواه
موصول بالمنن وعطاهو
عظيم الجاه ربه حباهو

الصلوات ثقيله جبالا
للفي شاننا عندو وكاله
يوم الناس عذاب ووبالا
وفيك يا طه ترمي جبالا

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

بعد الغفلة

اداء نجود محمد عجب

من قصائد المحبة والتعظيم

يا أصحابي بعد الغفلة
داير ازور فروضنا ونفلا

ندخل من شمال الجابره
دكت لي ملوك وجبابره
جبل الحب جذورا ضاربه
ويفرح بالوفود العابره

ندخل بالحنان لي منازلو
ونطرب بالفريد ونغازلو
يخصف نعلو توبا غازلو
سامح لي عدوهو وخاذلو

فوق الواجهة المشهوده
نقول لسعادتو كلك جودا
سيد نوح وموسى وهودا
وصادق للوعود وعهودا

شوف القبة برقا لامع
بالشيخين وسيد الجامع
ادخل فيها خاشع ودامع
في عفو الكريم كن طامع

قصرؤا يضيوي بالبسمات
وزمزم تروي ليك يوماتي
بارد روضو بالنسمات

ديوان القمر الهاشمي

الراوي الدكتور / خالد أحمد المصطفي (رحمه الله)



مديح الحض علي الزيارة

والمعمارو شرقي سمات

نجلس للسمر في ضيافتو

جوار القبة عظمة شرافتو

يهدينا الكريمة لطافتو

ونشبع من حلاوتو قيافتو

نجلس والبقيع كجناحنا

ندعو الرب يعافي مزاحنا

فرحانين يضوي صباحنا

ونقبل في تهاني نجاحنا

في الساحات نشم ريحانو

عند الحضرة وكتين حانو

كم عاشق يزيد صيحانو

وفي المادح تهيج ألعانو

الصلوات تقيل مكيالا

للفي شاننا عانا وجالا

تهتف بيك كل اجيالالا

وفيك يا طه معقود فالالا

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

بعد الحيره
اداء معتز صباحي
من قصائد المحبة والتعظيم

يا أصحابي بعد الحيره
داير اقوم ازور الخيره

ندخل من شمال مرحومه
وجبل الحب يحاكي نجوما
بالناس والوفود مزحومه
بالشوق والوداد ملحومه

ندخل بالحنان غرفاتو
ونطرب بالكريمة صفاتو
نقرأ في الكتاب آياتو
ونطرى للصحابة الفاتو

فوق الواجهة المعموره
نقول لسعادتو بدر بدورا
ندعو في ربي المقصوره
ونشهد بيك نور على نورا

شوف القبة نورا الزاهي
بالشيخين وسيدنا الباهي
دا الأصيل عظيم الجاه
أنقذ للخلق واللاهي

قصرُوا يضوي بي أسياو
وزمزم تروي لي رياو
نفرح بي حضور أعيادو
وأرواح الصحابه السادوا

ديوان القمر الهاشمي

الراوي الدكتور / خالد أحمد المصطفي (رحمه الله)



مديح الحض علي الزيارة

نجلس للسمر في جماعه
جوار القبة نفرح ساعه
نجلس بالأدب والطاعه
ونشري لي هدايا الباعه

نجلس والبقيع شايفنا
وندعو الرب يجير خايفنا
ننجو كيد ابليس حايفنا
ويكرم في الصراط طايفنا

في الساحات نشم أطيابو
للظاهر الجسوم وتيابو
ندعو الرب جلوس في بابيه
من نورك قليل نحيابه

الصلوات كثير محسوبا
للفي شانا كفه رحوبا
اركان حبه واجبه وجوبا
لي كل العباد ينجوبا

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

وكتين نلتقي

اداء معتز صباحي

من قصائد المحبة والتعظيم

محبوبي وكتين نلتقي
بالحب أدندن واتسقي
والدنيا تحلو وترتقي
طاهر محشم ومتقي

في الليل أساهر أرتجي
وأحلم يصافينا ويجي
الاصحل الصوت الشجي
يفرح لقلبي ومبهجي

بالنور مغطى ومتكسي
القرشي نسبة وأحمسي
كل العلوم هو مدرسي
وفي قلبي جوه محدثي

لو غاب قمرنا بنتأذي
يا نفسي هبي وعززي
إعتدلي سيرتي وجهزي
في الآخرة بيهو بتتجزى

في الصبر قلبك دربي
ولي بيتو هبي وقربي
شيلي السلام وأطربي
بدر الحجاز ويعربي

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

لو دايره طه إتعرضي
سيبي الذنوب اتنفضي
ونار الغرام إتجضي
اتشوشوي واتمضي

في الروضه هلي وابركي
بمقام سلامو اتبركي
والمنبر الطاهر زكي
وقصة هيام ما بتتحكي

صل ربي وناصري
عدد المتم والقاصر
عدد المضي ومعاصري
ما صلي برعي وصرصري

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

ناس تهاتي

اداء محي الدين اركويت
من قصائد المحبة والتعظيم

ناس تهاتي وناس تراور
وناس طرف بيتك تجاور

انت ما زي باقي خلقو
وانت وين الزيو بلقو
انت نور من نور صفا
وخصالو مين البوصفا

يا حبي حننت المحنه
ويا طه من الام أحنا
محبتك والشوق طحنا
اشتقتنا ليك لمن رحلنا

رحم الإله الصرصري
كان قلبو نديانا طري
قال في النبي لمن سكر
جاب المشاعر والذكر

رحم الإله برعي اليمن
حكي حبو لي كل الزمن
بكن الدموع بالرديد همن
ومرات كمان يذرف دما

رسولنا يا فالنا الجميل
ليك القلوب بالحب تميل
معشوقنا محبوب الاله
وقلوبنا ما بتقبل سواه

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

رحم الاله كل من كتب
فوق الرسول هز وخطب
والعقلو بي حبه انشطب
فوق اللهيب زاد الحطب

صليت عليك بالوافيات
بالكافيات والشافيات
وسلام عليك بالراضيات
في الرائحات والغاديات

ديوان القمر الهاشمي

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

الطيب

اداء معتز صباحي

من قصائد المحبة والتعظيم

قدر ما شلت بلادك وزرتا
عدتك تاني وقط ما شبعنا
عرفت الريد في حبك دبنا
وبي عتبات اقداسك لذت

ملت الكون انوارك ولحت
مسك وعطور للعالم فحت
بقيت هايم في بلادك سحت
في الساحات بي حبك نحت

نشيتا يتيم لا اخ لا اختا
وكل الناس هابوك ما هبتنا
نصرت الله لا خوف لا دخت
حياتك وموتك طيب وطبتنا

ارجو اكون على ايدك تبت
ونار ولهيب بفضلك جزت
اقول يا طه شفاعتك عذت
دخول الجنة وناعم حزت

حبك طاعم وفيك احترتا
ورغم فروضو براي اخترتا
غلبني هواي كتمت وبحت
وجوه الناس كالتايه رحنت

عرفت هواك دسيتو وغرتا
وخنت الروح افصحت وقلت

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

وقلت بحب شقيش ما سرتا
احب بني هاشم احبك انت

سلام آلاف عبيتو وجبتا
والصلوات لجنابك سقت
اكون فرحان بعزك فزت
ودمت في نور الله ودمت

ديوان القمر الهاشمي

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

سيد حياتي

اداء جمال فرفور

قصيدة في التعظيم والمحبة

أريت يا سيد حياتي أجيك
ومشتاق من زمان راجيك
وأعانق لي تراب واديك

يا رب السماء ومليك
نافي الزوجه لالو شريك
أجيب باسبور أجيب الشيك
أسافر طيبه أزورو نبيك

أزورك في ربيع ناويك
وكل سوداني قال آتيك
في الشباك نعاين فيك
ونرمي الحمل كلو عليك

لا شرخ الشباب لاهيك
لا عبث المجون هاويك
ومن عهد الأزل هاديك
جبريل من صغير حاويك

خلقوا الأرض كلها ليك
يا حبيب الله هو الباريك
في الغزوات كان راميك
وفي يوم الحساب كاسيك

جبريل كل ساعه يجيك
وقال يا نبينا ما يبكيك
نفخ الصور أمرو وشيك

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

أشرح أمري لي واليك

قال يا طه لن يا ذيك
وأبشر بي كرم باريك
أمام كل الخلق داعيك
ويرحم طابعك عاصيك

بي كل العيون راعيك
من أبلّيس رجيم كافيك
لا مودع ولا جافيك
بالحب والحنان ساقيك

من كل الشرور حاميك
وتتكسر نصال غازيك
وعظم في قريش ناديك
وأمر أملاكو صلوا عليك

يا نفسي اللئيم شاكيك
توبي من اسوداد ماضيك
يمكن طه يبقى نجيك
وفي الكوثر يكون راويك

صلاتي عليك غرة أبيك
وتسليما نرفه إليك
والزوجات وحيدر أخيك
ثم الآل وصحب وذويك

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

المرتضى

اداء جمال فرفور

قصيدة في مجارة سيدي حاج الامين رحمه الله تعالى

يا سائرا يطلب بلاد المرتضى
زر للحبيب وصل فيها أفرضا

يا واحدا ملك الملوك ومالكا
يا باسطا يهب الفتوح ويقبضا
يا من يحيط الكون من اركانه
يا واهبا يا رافعا يا خافضا

أزكى الصلاة على المعظم قدره
طه الذي جاب البسيطة والفضا
عرج السماء فما طغى
ودعته فاتنة القلوب فأعرضا

رسول جميل الفعل في كل صورة
وعند حديث يبرق النور يومضا
يطول طوال القوم طرا اذا وقف
وسيما قسيما أحمر اللون ابيضا

يقود لواء الجيش عند المحافل
وقال له الجبار حرض فحرضا
أعاد صفاء الدين في مكة الهدى
ودكدك أوثانا وأصناما فقوضا

رسول له في كل وجه عبادة
حليم صبور يحمد الله إذ قضى
حبيب ودود باسم الثغر دائما
وفي سبيل الله بالسيف يركضا

صلاة اله العرش ما دامت الدنيا
وتسليما وبركاتا والنور والرضا
عليك يا رسول الله في كل لحظة
من الله تنهال أشد وأفيضا

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

كيف المرور

اداء نسرین هندی

قصيدة في الحج والزيارة

كيف المرور للأصفياء

في طيبة دار الاتقياء

يا ليت فيها مسكنا

ومقامنا ومحلنا

شوف المفاخر والعجب

ورجال هاتيك القبب

مشتاق ولي الف سبب

وبقيع نسيمه يسرنا

في محبتي خايف الهلاك

بالتقوى والايمان حباك

يا كريمه تسبح في علاك

يا ربي بارك حجنا

يا خالق النور والسماء

اصلي في مسجد قباء

اعين اشراق البهاء

وصبابه تجري في دمنا

دخلنا من باب السلام

لنستمع احلى الكلام

ونحي للسادة العظام

وملايكة واقفه تحفنا

محمد نور القلوب

احمد ماحي الذنوب

ذكراهو كم تشفي الكروب

تمسح اذانا وهمنا

يا شوقي هاتيك البلاد

في الكرم يا ذات العماد

يكفيها من نطق الجماد

بي حب طه وأبكنا

نبينا يا خير يا نبيل

صليت عليك باسم الوكيل

وسلامي في وقت الرحيل

ارجوك ختاماً يسرنا

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

أجيك فرحان

اداء محمود عز الدين

قصيدة في الحج وزيارة المدينة المنورة

أجيك فرحان أقول مشتاق
وأقول بي لهجة الطربان
دا حبك راحة للغلبان
و حبك للقلوب فرتاق

اسافر طايره سودانير
أكون واحد وسط ميات
نصلي نجدد النيات
وندعو الله قلوبنا ينير

ناشر للخروج ودخول
وإجراعت كرت أصفر
نقرب من سفر ووصول
ونحلم والقلوب تذفر

ندخل للمدينه فجر
نصاحبك يا حبيب الكل
انت اللينا حب واجر
نجيك ونقول صباح الفل

صباح الورد والياسمين
عليك يا اجمل الاقمار
انت النور وزيك مين
وعطرك يخجل الازهار

صباح المسك والريحان
ونحن في حضرتك ننعن
ونمدح كافة الالحن
سعادتك بالمدود تدعم

صلاتي عليك يا محبوب
عدد ما يرضي للرحمن
عدد كل الرمال وحبوب
عدد جني وملك وانسان

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

أهاجر ليك زي صفوان

أداء وليد زاكي الدين

قصيدة في المحبة والتعظيم

أهاجر ليك زي صفوان
واقول بي بحة الولهان
أحبك يا رسول الله
أحبك جملة والتفصيل
أرابط زي حمام الغار
ملايكة ربي للتوصيل
تبلغ ليك سلامنا الحار
كلامك للقلب شافي
وأجمل من عسل بنها
كلام موجز بليغ دافي
بيأمر فينا أو ينهي
صمتك أبلغ الحكامات
أدب من ربنا الأعلى
ونظرك يبلغ النجمات
وسمعك للسمما بيعلى
عطرك أخجل الازهار
ونورك حير الافلاك
صايم في النهار الحار
مجاهد ما بتخشى هلاك
واغرب قصة في حالك
الحبوك خلوق وجماد
اريت نتخت في بالك
أخاف ننتب نبقى رماد
اريت تجعلنا من خدمك
معاك لي آخر السبل
طريقنا يكون على قدمك
يكون حبلك مدد حبلي

صلاتي عليك صلاة حبا
عدد ما الغائثات كبن
عدد ما المرسلات هبن
عدد ما الوالدات ربن

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

يا اصحابي كامل ذوقا
قصيدة في المحبة والتعظيم

يا أصحابي كامل ذوقا
داير اقوم أزور مرزوقه

ندخل من شمال الشافيه
جبل الحب يزيد العافيه
وبالنيه السليمه الصافيه
مرحب بالقلوب الدافيه

ندخل بالحنان مدينتو
نطرب بي نبينا وزينتو
يوم الناس بتبقى رهينتو
ندخل في معالي سفينتو

فوق الواجهه المرهوبه
نقول لسعادتو انت الحوبه
نخشع بي قلوب ملهوبه
ونفرح بي مدود موهوبه

شوف القبة اخضر لونا
بالشيخين وسيدنا شجوننا
بالاسلام ودينو هدونا
وللجنات عديل ساقونا

قصرنا يضوي بالاملاك
وزمزم فيهو ما أحلاكي
قبة سيدنا ما اعلاكي
نورا يضوي للافلاك

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

نجلس للسمر بي محبه
حجرة سيدي جنب القبّة
شوف نار الغرام الشبا
وشلال من حنان انكب

نجلس والبقيع في عيونا
وندعو الرب يوافي ديونا
ويغفر في الديانه ليونا
ويرفع بالعزيز مهيونا

في الساحات نشم آثارو
وجوه قلوب مولعه نارو
والعشاق يتيهوا في دارو
والمداح ينقرش طارو

الصلوات ثقيله وزايدة
للفي شاننا طافي القايدة
يوم الناس حشوره وعائده
فيك يا طه تلقى الفايدة

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

يا اصحابي بعد مسافة

أداء اديب

قصيدة في المحبة والتعظيم

يا أصحابي بعد مسافه
داير اقوم أزور الصافا

ندخل من شمال البره
جبل الحب شديد انسرا
بالتهليل يشيل من مر
يا احبابنا عيدو الكره

ندخل بالحنان ابياتو
نطرب بالفريد غاياتو
المحبوب عظيم نياتو
رب الكون قسم بحياتو

فوق الواجهة المسعوده
نقول لسعادتو تاني العودا
نبكي نحن نحاكي العودا
فوق من قاسو بيه الجودا

شوف القبة زاهيه ونايره
بالشيخين وسيد الدايره
تبسم للوفود الزايره
وتكرم للقلوب الحايره

قصرؤا يضوي بالاشراق
زمزم في الشراب الراقي
هاشمي واطيب الاعراق

ديوان القمر الهاشمي

الراوي الدكتور / خالد أحمد المصطفي (رحمه الله)



مديح الحض علي الزيارة

وجانا باعظم الاوراق

نجلس للسمر في حرمو
نشرب من نداوله وكرموا
نمسح للهموم والبرم
نسأل ربي يعفي الجرم

نجلس والبقيع شرقينا
والمحبيب يمين يسقينا
ندعو الرب يزيدنا يقينا
وملك الناري ما يلاقينا

الساحات نشم لزهورو
والعشاق يهيمو في نورو
الطاهر صفات وظهورو
الطافي الشموس وبدورو

الصلوات ثقيله حسابا
للفي شاننا حارس البابا
سجد السجدة جابا وجابا
شفاعة الامة طه أصابا

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

فضلة خيرو
قصيدة في المحبة والتعظيم

قوموا بالمليون نزورو
حبنا الضاربات جذورو
نحن فضلة خير بذورو
نبرى من بهتان وزورو

ونمشي طيبه ونحتفل
بشيخنا شابنا وكل طفل
يا سيد أبوكا وذى الكفل
زيل في القلوب هذا القفل

أجمل الوجوه هي الحبتك
احلى القلوب ناس رغبك
واشقى النفوس الغبتك
في طيبه ما جات زارتك

شوف الجموع تترجا كيف
وكتين تشوف لي طه طيف
لا حاسة حر لا داريه صيف
وعشمنا فيك اكرام لضيف

شوف الجميع متهللين
وبنداك وشوق متبللين
وتاج الوقار متجللين
ومن الذنوب متحللين

في طيبة تتكحل عيون
تطلع نفوس من السجون

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

دي زيارة بتسدد ديون
شفت القلوب من الشجون

بالله يا غسل الشنان
هذه القلوب شاربه الدنان
املاها بالريد والحنان
واكرمنا بالهور والجنان

أكرمنا سيد الناس مدد
وأدينا لي أبد الأبد
صليت عليك بي غير عدد
عدد المشارك والعبد

ديوان القمر الهاشمي

الراوي الدكتور / خالد أحمد المصطفي (رحمه الله)



مديح الحض علي الزيارة

نطوف زايرين
قصيدة في المحبة والتعظيم

في حبك نطوف زايرين
شوف الخلق مجموعه
ما غيرك نكون دايرين
وتبكي عيوننا بدموعه

الساجين وناس راكعين
وناس بالعشق موجوده
الداخلين وناس راجعين
ولوحة في غاية الروعه

العائشين وناس ميتين
محبة طه موضوعا
من اجدادنا والسابقين
قوافل سايرة بي طوعا

منظر باهي يملأ العين
قبائل مختلف نوعا
من اقصى البلاد والصين
قلوب بالحب مصروعه

اقيفو استنوا يا داخلين
وفانت فوقي مجموعه
في درب العديل والزين
قلوب بالحب مزروعه

فوق درب الرسول يس
قلوب الخلق مطبوعه

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

محبة طه يا سامعين
فرض الدين ومشروعه

صلاتي حتى يوم الدين
عدد نثرا ومسجوعا
ليك يا شافع العاصين
نجيك والخلق مفزوعه

ديوان القمر الهاشمي

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

بعد الغيبة

لحن واداء أسامة خالد السوري

اداها ايضا محمود عبد العزيز

وثنائي الصحوة و عبد العظيم الفاضل

يا أصحابي بعد الغيبة
داير أقوم أسافر طيبه

ندخل من شمال الوادي
جبل الحب علينا ينادي
بالشوق والهيام البادي
مرحب باليزور الهادي

ندخل بالحنان لي قصرنا
نطرب بالفريد فوق عصرنا
تنهال الدموع ينعصروا
فوق السارية عايشة انحصروا

فوق الواجبة المرضيه
نقول لسعادتو ألف تحيه
طه الرحمة المهديه
نشهد بيك رسول ونبيا

شوف القبة زاهية وتلمع
للشيخين وسيدهم تجمع
والعشاق عيونهم تدمع
والمحبوب شفيع المجمع

قصرنا يضوي بالانوار
وزمزم تروي للزواري
بارد وروضة للأطهار
يجير من فيح وحر النار

نجلس للسمر في ساحتو
جوار القبه في ظل واحتو

ديوان القمر الهاشمي

الراوي الدكتور / خالد أحمد المصطفي (رحمه الله)



مديح الحض علي الزيارة

المادح يقول بي راحتو
ويأسرني الحمام بملاحتو

نجلس والبقيع في يسارنا
ندعو الرب يزيل إعسارنا
يعدل ونستقيم في مسارنا
ويمنع في القيامه خسارنا

في الساحات نشم لأريجوا
والعشاق يهيمو يهيجوا
نشرب كاسنا صافي مزيجوا
ونفرح بالرسول وحجيجوا

الصلوات تقيله مقاسه
للفي شاننا عانا وقاسي
يوم الناس تكوسلو كواسه
سيد الآخره ساسه وراسا

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

عاقد النيه

يا اصحابي عاقد النيه
داير ازور رسول الهي

نهبط طيبه طايره عشيه
بقلوب عاشقين مغشيه
بالشوق والجلال مخشيه
ونشتم عاشرات عرشيه

ها دي البلده ربي ارادا
في الكون فاخرات اورادا
تغشاها الخلق وراده
رب الكون يلبي مرادا

هذي البلده طيبه وطابت
وجذبت لي قلوبنا وجابت
بي شوقا وغراما الصابت
نرجو نفوسنا ثابت ونابت

ارواح الكرام ساكناها
وماجور من تعاطى عنهاها
الفاتنه الصفات ويناها
ومسعود من اتاها دناها

يا سيدي النبي في جوارك
اقبل لينا من زوارك
سجلنا الجميع في حوارك
وارشق لينا من انوارك

سمحه الجيه لي روضاتك
وتشفع لي الوفود الجاتك
عاشقين لي صفاتك وذاتك
وطالبين للوصال وحاتك

صلوات لحبيبي وعمري
ونوري والنجوم والقمر
عد الطائرات والقمري
وندخل للجنان في زمر

ديوان القمر الهاشمي

الراوي الدكتور / خالد أحمد المصطفي (رحمه الله)



مديح الحض علي الزيارة

أتيناكم أتيناكم
أداء معتز صباحي
ألحان ناصر عبد العزيز

أتيناكم أتيناكم
فحيونا نحبيكم

ولولا الذهب الأحمر
ما حلت بواديكم
ولولا الحنطة السمراء
ما سمنت عذاريكم

أتيناكم بني النجار
والأفراح تغمرنا
ففيكم درة الأبرار
بالأنكار يطربنا

ففيكم مسجد الماحي
وروعة قلبه الصاحي
وفي ساحاتكم نشرب
فنعم الكاس والراح

وفيكم قبة تضوي
خير جواهرها تحوي
وجمر للقلوب يكوي
تقربنا ولا تغوي

وفي ساحاتكم تقوى
تموت الضجة واللغوه
نبيا في العروج يقوى
أصيل اللبن والرغوه

جميل الروح والجسد
رسول الواحد الاحد

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

أزال الكفر والحسد
ولف الحبل من مسد

تطير قلوبنا طربا
ومنه يزيدنا قربا
ونشرب كفه شربا
ونفخر كوننا عربا

صلاتي ما لها عددا
ونرجو نفحة المددا
سلامي يا حبيب الروح
بعد الحين والابدا

ديوان القمر الهاشمي

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

طالبات المدينة

أحان وأداء عصام محمد نور

طالبات في المدينة النور
قوافل سايرة ليها دهور

مناي يا طيبة اوفي نذور
اسارع في خطا المحذور
اخاف من رخصة المعذور
مدينتو ولينا فيها جذور

فيك يا طابه ماني صبور
ناوي القومة لي ام سور
وداير مشهدا محضور
يفيد يوم النشور و قبور

نبيا الفي صلابة الطور
صافي البسمه ماهو نفور
طاهر من فضايلو طهور
يداوي ويشفي للمكسور

قايم طيبة كلي سرور
ازور المسك والكافور
حايز وبالمكارم يفور
ازورك في يميني زهور

من جاهل صغير مشكور
إسمك في القلوب محفور
هواي الوهبي مامجبور
وبي ذات الحبيب مبهور

معاجزك في بيان وظهور
تخاطب الجيفة والمقبور
تجيب الموية في العتمور
تغازل في هواك صخور

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

تحويكا القلوب و صدور
إسمك في الفؤاد محفور
تريدك كائنات وطيور
تحادث للرضيع وتمور

يا حيا سميع و غفور
بي جاه النجيج حيصور
تبارك قدرك المقذور
كرامة لوحك المسطور

هدية حجنا المبرور
نشوف القبة والمعمر
نقابلك بي فرح وحبور
نفارقك بي قلب مفطور

صلاتا بي حنان وشعور
وتسليما كثير مبرور
وخالد بيك سيدي فخور
يفأخر بيك شمس وبدور

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

كامل الاوصاف

مشتاق زيارتو وحجتو
كرتو وتذاكرو وفجتو
سعيو وطوافو وعجتو
وفيضو وجمارو ورجتو

الرمشو تجرح حدتو
وكريم يتشرح مدتو
الاخره عرشو وسدتو
اب ليف وسادو مخدتو

سنوات حليمه الربتو
ومن امه سنوات غبته
كل العيون شوق حبتو
مشتاق نسيمو وهبتو
قرانا يوصف عزته
بالسيف بتعجب هزته
وعدوه تضحك فزته
ابوجهل عيرو وجزتو
صوته الصحيل وبحتو
يطرب كلامو وقحتو
الجسمو مربع صحته
من نار فجورنا الزحتو
فخر النبايا وامتو
يوم المعاد شوف هممتو
تفرح وتشرح شمتو
وكوثرنا بارد جمتمو
في الغار آمن افعتو
نفع الجميع بي شفعتوا
تعجبني دوما رفعتوا
يوم للخلق ونفعتو

صلاتي سمح الطلتو
انقذ لصاحب الزلة
عدد الغمايم ظلتو
وعدد الخلق الوالتو

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

أم قصور

أداء سيف الجامعه

حج وزار سيدو طه
ام قصور بالعين رآها
واشوقي طيبة وبنائها
أول البلدان هداها
ربي بالانوار كساها
ضاعف البركات كفاها
من علوم الدين سقاها
للنبي المعصوم وفاها
طه يقدل في حماها
ربي في القرآن تلاها
وفتنة الدجال حماها
الرسول نورا وسناها
جملة البلدان وراها
الحرم بيتا وفضاها
فيها كم سجدت جباها
في البقيع يلمع ضياها
في تراب بطحان شفاها
أمشي واحجل في فناها
أجر عمرة في قباها
في الجماد سبح حصاها
الصحابة نجوم بهاها
قلبي مجنوب بي هواها
اسمي يخرج في عطاها
الخلوق الفي فناها
ربي لا تخيب رجاها
أرحم ألما وبكاها
تلقى مطلوبه ومناها
صل ربي علي ضياها
الرسول كوكب سماها
السلام سري وشفاهه
عد نفوس الله براها

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

يا أصحاب
اداء نبوية الملاك

قوموا يلا
للمختار المولى
يا أصحاب

بسم الله المعلا
يا رحمن عز وجل
تغفر لنا المصله
وتوزن كوم السجلا

نبينا عظيم يا اخلا
أنار الكون حين اطلا
جاهو ملاكا تحلى
يعيش في خلود قالو كلا

مقام محبوب ثم خله
وعيسى يشير ليكا دله
وابراهيم حين تله
وادم بيكا استدلا

جبرائيل دنى وتدلى
يوسف فيك كيف تملى
بالدعوات يشفي عله
سحابا جاك للمظله

جميع الخير كيف احلا
ينهى شرور ثم غلا
شمال وجنوب ليه قبله
ووجه الله وين تولى

يوم وضوع كل حبلى
والخلق كايسه ظلا
يوم الناس خوف وهولا

ديوان القمر الهاشمي

الراوي الدكتور / خالد أحمد المصطفي (رحمه الله)



مديح الحض علي الزيارة

رسول الله ليهو صوله

كريم اخلاق ثم سهلا
يعز الصاحب واهلا
سراج الكون عينو كحله
جميل الصوت فوقه صحله

معاجزو كثير من اقلا
الابيار ليها أملا
كلام حيوان ثم طفلا
جنودو جبالا و رملا

نبيا وافر السبله
كريم الروح والجبله
يبيد الباغي العتله
يمين الظالم اشلا

نبيا راسي واجلا
نوره اضاء حين اهلا
دعاك الباري وتجلي
عليك و سلم وصلی

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

الدين وساعا

أداء عبد العظيم الفاضل

واداها ايضا ثنائى الصحوة

الدين وساعا
والدنيا ساعه
أرح نزور طه يا جماعه

محمد النبي المطاعا
أحمد الكنز المشاعا
محمد الاطعم الجياعا
أحمد الاخلاق دفاعا
محمد الانوار شعاعا
أحمد الموج والشراعا
أرح نزور طه يا جماعه

اليتيم انحرم وجاعا
ونكره في الآفاق ذاعا
له الجماد انعصر وماعا
يعظم الحرمة بالرضاعه
يكره الفخر واللعا
خفيف من الدنيا في متاعا
أرح نزور طه يا جماعه

معاجزو ليكا ترد تباعا
زاد أبيار بصة وبضاعه
تخاطبو الطير والسباعا
مج في زمزم الشباعه
يخاطبو الجذع والذراعا
يعالج الحمى والصداعا
أرح نزور طه يا جماعه

هاشمي مليون هدى وشجاعه
مجمل أخلاقو والطباعا
والسلوك بالتقى ووراعه

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

وسيدي في النيران مناعه
يوم الخلق تبكي في ضراعه
سيد الرسل في الشفاعة
أرح نزور طه يا جماعه

اليكرم المهنة والزراعة
والكراء ورعي والصناعه
في الاسواق اشترى وباعا
تاجرا ماهر البراعه
يمنع الغش والخداعا
ويجعل الربح في القناعه
أرح نزور طه يا جماعه

جميع شروط السفر تراعى
وتذاكر الحج في سراعا
مع الشعائر في الوداعه
وكالة للحجيج نفاعا
عبد الرحيم جهدوا استطاعا
وجمال الطيب في مكة راعا
أرح نزور طه يا جماعه

صليت صلاة بي نصاعه
عد حصونا بي قلاعا
والبساتين بي رياعا
وعدد أفراد والجماعه
على من قال سمعا وطاعه
وهد أصنام ناس سواعا
أرح نزور طه يا جماعه

ديوان القمر الهاشمي

الراوي الدكتور / خالد أحمد المصطفي (رحمه الله)



مديح الحض علي الزيارة

سارت الجموع

أداء محي الدين أركويت

أداها ايضا ثنائي الصحوة

وعبد العظيم الفاضل

سارت الجموع
للنبي الشفوع

كريم أصل وفروع
منو المسك يوضع
الشرف الربوع
أطول من المربوع

ذوالخاتم المطبوع
والسيف والدروع
اليابس المرقوع
الساجد الركوع

البنجد المفزوع
ويواسي للمفجوع
ويصبر المجزوع
ويطمئن المخلوع

اليرقي للمصروع
الييري للموجوع
اليشفي للملسوع
شوفتو بتزيل الروع

الحلل البيوع
لا خادع لا مخدوع
والربي الموضوع
بالتقوى والخشوع

معاجزه كم والنوع
كاللبن في الضروع

ديوان القمر الهاشمي

الراوي الدكتور / خالد أحمد المصطفي (رحمه الله)



مديح الحض علي الزيارة

من كفو الماء نبوع
مطرو بيصب اسبوع

في يومنا المجموع
هيبة وكلام مسموع
يوم نسكب الدموع
بيه العذاب مرفوع

صليت على الشفوع
الظاهر الوروع
يطيب المزروع
ويبارك المشروع

ديوان القمر الهاشمي

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

المدينة الطيبة

أداء عبير علي

وا شوقى للمدينة الطيبة يا دار السلام
الحصينة و بي نبينا هيبة قلبي بيكى هام
يا حزينة ويا حنينة يا صنوة البيت الحرام
انتى مفطورة فينا وفيكى أسرار الغرام

نحن بي خيرك ربينا وفي حمى الأنصار دوام
سلميلنا على حبيبنا واخشعى جوه المقام
تلقى طه يحي فينا ويردد أصناف السلام
بلغيه الشوق اليبينا وكل ألوان الهيام

يا مشكورة ويا مكينة وبالملك سورك حزام
فيكى مولاي الأميना وفيكى سر سرب الحمام
وفي البقيع نجوم دفينة العشرة آلاف الكرام
شربناك ما ارتوينا وكيف يروى الليكى رام

ببركتك احتمينا وفي حمى سيد الأنام
ان شاء الله تقبلينا رغم أرتال الأثام
يا مهوى الصالحينا ومنزل الصوام قوام
مأواك ركننا ركيننا وانتى للناس المرام

ليكى حق لو تهتى فينا ما انتى للايمان وسام
ومن زمان راسية ورزينة خدمتى للاسلام مهام
مسحتى لى طه الجيبينا وكنتى فى ايده الحسام
بقيتى ام المسلمينا ومهجر القوم العظام

ولينا حق لو حبيبنا حتى رشقات السهام
ورغم لطفك عذبينا وزيدى فى قلوبنا الضرام
ونحن بي حبك حكيننا يا بلد بدر التمام
وعلى ياسين صلينا باعظم الصلاة والسلام

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

زيارة طيبة أداء نبوية الملاك

نعم من قام يا طيبة زارك
رب صل وسلم وبارك
بين عواصم الكون إفتخارك
كونو نبي الله جوه دارك
كونو للإسلام إنتصارك
وخلاصة الناس من خيارك
من وبا وطاعون الله عاذك
ومن شرار الناس الأذك
بالرياح نصرورك والنيازك
ونحنا جينا والبين ملاذك
بالكرم والطيبات أساسك
للمهاجر يظهر حماسك
فيكي شرعوا لينا المناسك
ولرسولنا يجلل نحاسك
ياالحنينة وطيبة في طباعك
ومن أزورك يعز لي وداعك
بين مداين الكون إرتفاعك
وسيدنا طه يبارك في صاعك
بالأمل والشوق جينا بابك
للبيع والروضة وقبابك
ننشد الأنوار في رحابك
إنتي عشتي ويسلم ترابك
يا كريمة وباهره في في وداك
فيكي حنى وينطق جمادك
الرسول للخيرات أراذك
من إستطاع يموت في عداك

الخلق تطلب لوصالك
يا عروس الدين والممالك
صلواتنا لغرة هلالك
والسلام لصحابته وجلالك

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

نعم من زار دار مصطفى أداء نبوية الملاك

نعم من زار دار مصطفى
حج طاف البيت ما جفاء

من معاجزو القمر نصفا
أتعب الشعراء والأوصفا
في جمال الماء لو صفا
للعدو ويهود أنصفا

شيمتو في الوعود الوفا
ما كذب ما قال و سوا
سيدنا في الملكوت طوفا
للجنان والنار شوفا

تشهد النيران الطفا
و الكهول وصبيان لاطفا
وجزوع وجمال عاطفا
وجهه نور و بروق خاطفه

بغيوب الكون كوشفا
مسه للعيان كم شفا
من محمد كاس أرشفا
ود حليلة وأمنه وشفا

ظله للمسكين وارفا
حبه لي مولاه جارفا
بحقوق الناس عارفا
ولسموم النار صارفا
لربا العباس العفا
ولخزيمة شهادته مضاعفا
من يخالفو عليه العفا
في القبور والنار راعفا
قلبي بالمختار هام هفا
قام مدينته يزور حام حفا
نطلب الرحمات بالرفا
والصلاة ألف والفا

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

يا صاحي صب المدام

يا صاحي صب المدام
نشرب من غير ملام
جيب كمان سريان كلام

الصلا بالصالحين امام
في سربه الطير والحمام
جبريلو يمسكلو الزمام
وفي الهجير بير الغمام

صب لنا من حينو العتيق
وابلحنا من شرب يليق
واسقي فوق نقدر نطيق
نسكر نهيج ولسان شتيق

لي ليلي شوشافا نكون
عاشقينك المن كل لون
شاهروسو بالبدن العيون
اسكرنا الا بدون مجون

حب ليلي حكي بيهو الزمان
ولي ليلي كل الصخر لان
جيب فيرمو هات الدن ملان
واسكرنا نشعر بالامان

لا عشقه زال لا حبه زال
شاموشو ليك انا يا غزال
يا صاح صاب جسمي الهزال
اسقيني كاس انا حالي حال

اسقيني كاس للحوسيو جالب
خمر الحبيب للقلب غالب
باقي الفؤاد مطلوب وطالب
يسبي الجسم والعقل سالب

دا الدثنو من رب رحيم
والكركو من نار الجحيم
في السادسة لاقاه الكليم

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

واصل الكرم ناجا العليم

لو هيلما يوم نحظى ونشوف
المصطفى اب ناديات كفوف
صف سكارى نخش كشوف
ونضرب الطار والدفوف

اعظم صلاة لي من سرى
الساكن الدار غار حراء
الكرموا كالانهار الجرى
وشوق شوفته تمنع الكرى

طبيه فيضك هامى

طبيه فيضك هامى
كالمطر ورهام
من حجازي تهامى

ربي زيد افهامى
والمدد والهامى
زيل كمان اوهامى
تبقى ناجحه مهامى

نمشي فوج اتيام
لي منى وايام
بين جبال وخيام
ندعو للارحام

ربي زيل الامى
والعداء وملامى
ارضى قولي كلامى
في الما سعى الاقلام

يرعى لي الاغنام
والبعير بي سنام
من صغيرا نامى
يكره الاصنام

طيفه ديمه امامى
اللي النبيا امام
فداه خال واعمامى

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

زيدني في المامي

معجزات في نعم
وفي شراب وطعام
والمدد وانعام
اليكفي طول العام

للبريق انسام
من ضريح السامي
دا الجميل بسام
العنده الف اسامي

كل صلاة وسلامي
لي غرة الاسلام
الحطم الازلام
زال فجور وظلام

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

طيبة المحصنة

أداء أحمد بورسودان

اداءها ايضا خالد الصحافة

وعصام محمد نور

ومجموعة الكوثر

هيا نمسح همنا

بي زيارة تهمنا

طيبة المحصنة

برسول الله

قدوس يا ربنا

بي جميع الألسنه

طيبة المحصنه

برسول الله

طهر نفوسنا من شر مبطنا

واصلح قلوبنا إبليس لا يغرنا

واغفر ذنوبنا واسرافنا وظلمنا

واجعل هوانا في حبك واهدنا

وفي الآخرة أنجنا

وبي محمد أنسنا

طيبة المحصنه

برسول الله

هيا نمسح همنا

بي زيارة تهمنا

طيبه المحصنه

برسول الله

هي بقعة حبنا

وأفراحنا وطبنا

طيبة المحصنة

برسول الله

بعد المناسك أوفينا لحجنا

شأقت قلوبنا لحرمو نمدنا

نلبس جديدنا بطيبنا وغسلنا

ندخل بالهيبة والأدب يلفنا

ديوان القمر الهاشمي

الراوي الدكتور / خالد أحمد المصطفي (رحمه الله)



مديح الحض علي الزيارة

لزيارة عزنا
وبالشوق جا يهزنا
طيبة المحصنة
برسول الله

هيا نمسح همنا
بي زيارة تهمننا
طيبة المحصنة
برسول الله

بيهو يكبر وزننا
وشفاعتو تعمننا
طيبة المحصنة
برسول الله

من باب سلامو أدونا إذننا
ندخل مقامو بالأنوار يمدنا
للرب هदानا ولطريقو دلنا
ونقول سلاما وبالأشواق ضمنا
ده سلامو الأشجنا
وجرى فينا دمعنا
طيبة المحصنة
برسول الله

هيا نمسح همنا
بي زيارة تهمننا
طيبة المحصنة
برسول الله

أبوبكر نخرنا
والفاروق عدلنا
طيبة المحصنة
برسول الله

زور في البقيع لي زوجات نبينا
وبناته ثلاثه وزيد فاطمة ستنا

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

عاتكة و صفية والعباس ركننا
وعثمان الراشد و ابراهيم كبدنا
وفاطمة ستي البينه
أم جعفر وكرارنا
طيبة المحصنة
برسول الله

هيا نمسح همنا
بي زيارة تهمنا
طيبة المحصنة
برسول الله

ونبينا أوصنا
وبي زيارتو خصنا
طيبة المحصنة
برسول الله

زور السعدين و حلیمه الحاضنه
حي الحسنين في الجنة شبابنا
وابن مظعون موته أبكى رسولنا
حي ابن عوف والأهل و من دنا
زور آلاف أصحابنا
وعزي في مصابنا
طيبة المحصنة
برسول الله

هيا نمسح همنا
بي زيارة تهمنا
طيبة المحصنة
برسول الله

بي طبوا أحيينا
ويشدد لأزرننا
طيبة المحصنة
برسول الله

وتراب بطحان قال يشفي مريضنا

ديوان القمر الهاشمي

الراوي الدكتور / خالد أحمد المصطفى (رحمه الله)



مديح الحض علي الزيارة

عجوة مدينتو علاج سما يسمنا
تفك للأسحار والعقد الممكنه
وتراب حمزة لصداع مزمنه
تواتر بالأزمنه
وبركات من ربنا
طيبة المحصنه
برسول الله

هيا نمسح همنا
بي زيارة تهمنا
طيبة المحصنة
برسول الله

أثارو عاينا
بي نورو مزينه
طيبة المحصنة
برسول الله

زور في المدينه الثنية ورانونا
ومساجد الفتح والأبيار مهلنا
وكهف البشرى والراية وأحدنا
جبل شمالا نحبو ويحبنا
يفرح بي أمرنا
ومن ثمراته أكلنا
طيبة المحصنه
برسول الله

هيا نمسح همنا
بي زيارة تهمنا
طيبة المحصنة
برسول الله

صلوات تسرنا
لي نبينا البرنا
طيبة المحصنة
برسول الله

ديوان القمر الهاشمي

الراوي الدكتور / خالد أحمد المصطفي (رحمه الله)



مديح الحض علي الزيارة

عدد الخلق من جني وإنسنا
عدد الحروف في كتب مدونه
عدد الحبوب في شجر مخزنه
عدد النجوم والرمل في كوننا
تكشف لي غمنا
وتزيل لي همنا

طيبه المحصنه
برسول الله
هيا نمسح همنا
بزيارة تهمنا
طيبه المحصنه
برسول الله

ديوان القمر الهاشمي

الراوي الدكتور / خالد أحمد المصطفي (رحمه الله)



مديح الحض علي الزيارة

يا ناوي ارح

يا ناوي ارح قالوا القوافل اليوم مشن طالبات شفاعات الرسول غسل المشن

شوف النفوس البي الذنوب اتخدشن وانظر عيوننا المايلات اتغبشن
آدانا تسمع في النمايم والوشن وخشومنا ياكلن في البرايا وينهشن

ارجلنا من السوء لامن نبشن وايدينا للمسكين يكيلو وييطشن
وجيوبنا تكنز في الدراهم وحوشن تملأ المصارف والحسابات كوشن

باضت طيور المفسداات وعشعشن فوق القلوب الفي الصدور استوحشن
شوف البطون البي الحرام اكرشن ناسية الصديد يوم القبور يتفتشن

يوم الغسول جثتنا فيهو اتخيشن والفرحة طارت والعيون اتعمشن
اذكر عذاب القبر ودودك فرشن سم العقارب والافاعي بيبطشن

يا ربي غفران الذنوب للما خشن والما تذكرو للمساجد وما غشن
اسمك رحيم تهب الوداد متبشيشا ارحم دميعات العبيد الاجهشن

اغفر جرائمنا لليادي الهيشن وجلودنا باليم الذنوب اتتمشن
جيناك محتاجين جسومنا بيرعشن بي حق شفاعتك للعباد الطيشن

في الآخرة يومات العيون ما بيرعشن ويوم تخشع الاصوات تقول اتطرشن
فوق العرق فوق العطش ومشمشا شوف الخلق في جاه نبينا اتعيشن

متوسلين بي من معاجزو الادهشن عبد الاله مجاهدا متعطشا
في العرش والجنات اسمو بينقشن صلى عليك الله في صبح وعشا

ما لبيت زورة طه وآل البيت والومي

بسم الله قولي بديت بالحي الودود ومقيت
لي طه وجمالو هويت مشتاق لي زيارتو نويت

اثنى بشافع الخاطين المخلوق وآدم طين
الممشوق وماهو بطين طعامو الكسرة باليقطين

ديوان القمر الهاشمي

الراوي الدكتور / خالد أحمد المصطفي (رحمه الله)



مديح الحض علي الزيارة

مولود مكة عام الفيل والكون بي قدومو حفيل
من وزراهو اسرافيل وليك رب السماء كفيل

لابس بردة من الصوف المرقوعة والمخصوف
بي كل الجمال موصوف الفي الحق عدل ونصوف

ام سور هبهب نسام من سوح اليجير السام
مناي شوفة البسام مشتاق والوصال اقسام

مسكا من ديارو يفوح الطاهر أعر وصفوح
ارحم دمعنا المسفوح في دارك نهيم ونسوح

والله القلب مشغول مشتاق لي جميل القول
في كم ثانية يروي فصول يقدل وبالبراق منقول

حيي في جمالو فريد والكون كله ليه يريد
دا الحباه صيد وجريد والرهبان كمثل دريد

الصلاة والسلام قنطار ليك يا صاحب الامطار
عدد الساكن الاقطار وعد ما فاحت الاعطار